

廣嗣五種備要

新產証治

總論

凡病起於血氣之衰。脾胃之虛。況產婦氣血脾胃之虛弱。殆有甚焉。丹溪論產後當以大補氣血為主。雖有他症。以末治之。故治法有氣母專耗氣。有食母專消食。熱不用苓。連。寒不用附桂。如中虛外感。見三陽表症之多。似可汗也。在產後而用麻黃。則重傷其陽。見三陰裏症之多。似宜下也。在產後而用承氣。則重亡其陰。至若耳聾脇痛。腎虛惡露之停。休用柴胡。謔語汗出中風類瘧之症。莫作風治。其

由陽氣之衰。非大補不能回陽而起弱。即如回陰血之涸。非滋榮不能舒筋而活絡。又乍寒乍熱。發作有期。症類瘧。若以瘧治。淹滯難痊。神不守舍。言語無倫。病似邪也。若以邪治。危亡可待。去血而大便燥結。穢毒加於生化。汗多而小溲短濇。六君倍用參芪。肛脫茹怕。俱是氣虛下陷。補中益氣。是良方也。口噤拳攣。無非血燥類風。加參生化。大有益焉。產戶入風。服以養榮。羗獨玉門傷冷。洗頭床。兔苒硫。怔忡驚悸。生化湯加以遠志。似邪恍惚。安神丸兼服脾氣。因喘咳而滿悶。虛煩。生化湯加木香為佐。因過食而嘔吐。惡逆。六君加神麴為良。蘓木稜蓬大能破血。青皮枳實最

消膨脹。一應耗氣破血之藥。汗出洩下之方。只可施於強壯。不宜用於虛弱。大抵新產之後。先問惡露何如。塊痛何如。參朮不可遽加。至若亡陽汗脫。氣虛喘促。加參生化是從權也。如亡陰太熱。暈厥血崩。升舉大補。乃急救耳。王太僕云。治下補下。制以緩急。制緩以滋道路。制急乃氣味俱薄。力與緩同。是治法當遵丹溪。服法須效太僕。雖未盡產症之詳。已統括治療之要。敢曰濟陰之指南。其於女科。無小補云。

生化湯論

產後氣血大虛。理宜大補。但惡露未盡。用補須防滯血。

乃生之而且化之。能生能化。攻血塊無損元氣。行血中
又帶補血。方許萬全。世第知以四物湯治產。而不知地
黃性寒滯血。芍藥酸寒無補。其不誤人者幾希矣。按生
化湯者。曰藥性之功而立名也。蓋產後以化舊生新為
要。考諸藥性。川芎當歸桃仁三品。善於破舊血。驟生新
血。佐以薑炭炙草。引三品入於肺肝。生血理氣。五味成
方。行中有補。化中有生。實產後之勝藥也。故曰以生化
名之。凡孕婦至月足。照方預備數帖。至胞水一破。速煎
一劑。候兒下地。即服。不問半產正產。雖少壯俱宜服之。

惡露

產後惡露有塊。名曰兒枕。世多先消後補。殊不知舊血雖當消化。新血亦宜生養。若專攻舊血。則新血亦不安矣。世以濟坤丹攻血塊。下胞胎者。一時雖見速效。元氣未免虧損。不得已而用之。只可一九。不宜多服。且須隨進補劑。庶免虛弱之患。

生化湯

當歸 八錢

川芎 四錢

桃仁 十粒
去皮尖研

薑炭 五錢

炙草 五分

右用水三鍾。煎八分。加酒七八匙。稍熱服。

渣留後帖同煎。要在產後一二時辰。未進飲食之先。相繼而服。則下焦血塊速化。新血驟生。自免血暈等症。但

以湯頻服精神漸增。產後諸症不能乘虛而襲矣。或勞甚血崩形脫喘汗不止急進加參生化湯數帖。或一方內加紅花五分。元胡醋炒一錢半。或方內再加桂心七分。

加參生化湯

人參二錢

川芎二錢

當歸四錢

薑炭四分

梔紅十粒

棗三枚

加減法

一產後七日內未服生化湯塊痛未除仍照前方服數帖加元胡益母亦可。自然塊消痛止不可遽加參芪

白朮補住瘀血。為害不淺。

一產後一二日內。塊痛雖未除。其產婦氣血虛脫。或前或厥。或汗多而厥。或形色脫去。口氣漸冷。或煩渴。或上。或氣喘短促。無論塊痛。從權加參芪以救危急。如體倦無力。氣虛短促。本方多加人參。兼汗加黃芪。煩躁加竹茹。渴甚加麥冬五味。喘加杏仁桔梗。

一產後大便不通。或至八九日者。曰血少腸燥故也。宜生化湯。加麻仁三錢。泡淡苳蓉五錢。以潤之。日久自通。如虛加人參二錢。勿用承氣湯。

一產後七日內。或傷寒冷。血塊凝結痛甚。生化湯加肉

桂五分。元胡一錢。食冷物。連心腹痛者。再加泡淡吳
萸七分。

一產後肥人多痰。宜生化湯。加花粉。竹瀝。薑汁。或加橘
紅四分。母輕用牛黃。及寒冷等味。

一胎前素屬虛弱者。產後一二日。已服生化湯三四帖。
塊痛稍減。可按揉而定。宜生化湯加人參三錢。

一產後雖暑月。亦要和暖。如失蓋衣被。腹不溫和。風邪
乘虛而入。雖服生化湯。恐塊痛不止。宜加肉桂四分。
五靈脂一錢。

一產後勞倦血暈。服生化湯一劑。頭煎後即再取一帖。

加入參一二錢。汗多亦加。如形不脫去。只用鹿角灰二錢。本湯送下。或益母丸亦可。外用細搗韭菜。納在有嘴磁瓶口。將滾醋兩碗。沖入封其大口。以小口注。婦人中飲其精神即醒。

一產後發熱汗出。手足厥冷。或血崩氣短。神昏氣脫。乃大虛症。急須大補。庶可回生。宜加參生化湯。速進數劑。再以生脉散代茶。丹信產室百問。及婦人良方等書。

一產後日久不食。聞藥即吐。須用獨參二三錢。或加薑少許。白米一大撮。水煎服。以安胃氣。如聽其胃虛。不

能受藥危矣。

一法用胡椒少許。人乳燉熟和勻。微辣與飲。加以獨參湯。頻頻進之可效。

產後用藥十誤

一產後誤用順氣耗氣藥。反增飽悶。雖陳皮亦不可多用。

一產後誤用消食藥過多。致減食損胃。甚至不進食。

一產後誤用芩連知柏。致倒胃增熱。甚至不食。

一產後塊痛誤用參芪白朮。輕則瘀血不行。重則立斃。

一產後誤用地黃。滯惡露。獨用只實亮以消塊痛。耗元氣。

一產後誤用大黃芒硝以通大便必成膨脹

一產後誤用蘓木三稜莪朮以行血塊輕則傷新血重則傷性命

一產後虛弱之人誤用山查煎酒以攻血塊必傷元氣以致汗出不止

一產後誤用濟坤丹下胞衣至三四五九以致百病皆作

一產後誤信產室百問及婦人良方多致不救

產後血暈

凡分娩之後眼花頭旋不知人事謂之血暈其因有三一

曰勞倦甚而氣竭神昏。二回去血多而元氣欲絕。三因痰火乘虛泛上而昏憤不清。患此三者。魂不隨神往來。機運幾息也。急服加味生化湯。二三帖。以行塊停痛。外用醋韭法冲鼻。使產母聞醋氣。令精神斂而不散。此救血暈之妙法也。大約病弱產母臨盆之際。須預煎生化湯預備。韭醋瓶以防患。此為萬全。及兒下地。不可喜子慢母。母亦不宜顧子怠倦。又不可產訖即臥。與夫憤怒氣逆。皆能致暈也。慎之謹之。

加味生化湯

川芎三錢

當歸六錢

薑炭

四分

桃仁

十粒
去皮研

炙草五分

荊芥五分

水煎八分。加酒熱服。汗多加

人參二錢。蜜炙黃芪一錢。然必塊不痛。方可用。痛甚加肉桂五分。渴加麥冬一錢。五味十粒。有痰加竹瀝半杯。薑汁一匙。痰火乘虛泛上而暈。加橘紅四分。兩手脉伏。或右手脉絕。加人參四錢。麥冬一錢。五味二錢。按三等血暈。切不可用破血耗氣等藥。雖山查性緩。亦不宜服。其塊痛者。生化湯兼送益母丸。及鹿角炭。倘氣脫將絕。牙關緊閉。藥不下。喉者。用鷺羽筒槌喉灌之。如灌下漸。漸溫暖。則不拘數帖灌之。又當用熱手單衣外。從心揉至腹上。又時換熱衣溫暖之。自然漸漸甦醒。如醒後塊

痛未除。減去參芪。單服生化湯。待痛止。塊消。再進參芪。
產後厥逆

凡產母產時用力過甚。勞倦傷脾。脾氣耗竭。不能注於四
旁。故足冷逆。而厥氣上行。經曰。陽氣衰於下。則為寒厥。
厥氣上行於經絡。則神氣浮越。去身而飄散矣。為非大
補。焉能回陽而復神。必用加參生化湯。倍人參。連進二
帖。使氣血旺而神復。厥止。如渴。另用生脉散。代茶助津。
以滋臟燥。雖有四肢厥冷。泄瀉。或類傷寒陰症。亦不可
用四逆湯。必倍參。生化佐以黑薑。或加熟附一片。以回
陽止逆。則可。已足以行參芪之力矣。

加參生化湯

人參二錢 川芎二錢 當歸四錢 薑炭 炙草 各四分

桃仁泥十粒 加元棗二枚水煎如厥回暫去人參待血

塊除再加此治新產發厥

滋榮益氣復神湯 產後發厥無塊痛者服此

川芎 焦朮 炙芪 麥冬 各一錢 人參三錢

熟地二錢 當歸三錢 炙草四分 陳皮四分 五味十粒

水煎服。口渴以生脉散代茶。汗多加麻黃根焦棗仁各一錢。塊痛不止。加肉桂五分。便閉加從蓉麻仁各二錢。痰多加竹瀝姜汁。橘紅四分。酒一盅。手足口氣漸冷。加

附子五分。倍用人參。

按厥逆屬陽虛居多。若無塊痛腹脹等症。純用參附加肉桂可也。有桂則痰亦去矣。不可遲疑。

暈厥總論

大抵產後暈厥。皆由氣血兩竭。神將去而幾息。僅有一綫生意耳。若非大補。不能回將絕之元陽。但暈在臨盆尤甚於厥。宜頻服生化湯。先補血分之虧。可期塊化血旺。神清暈止。如無汗脫神倦氣促等症。切勿遽加參芪。或厥在分娩之後。氣血兩竭。宜用加參生化湯。以復其神。總之治暈。問有塊痛。參朮未可驟進。問無塊痛。參芪

地。水。必。須。並。用。

產後血崩

產後血水大來。須看顏色之紅紫。辨氣之虛實。如形色多紫。乃當去之。敗血。勿以崩論。若紅而色鮮。乃是驚傷心。而不能主血。怒傷肝。而不能藏血。勞傷脾。而不能攝血。當以崩治。法宜先服生化湯數帖。則行中有補。血自生旺矣。至若飛脫氣促。或汗出不止。宜服倍參生化湯。以益氣。斯陽生則陰長。而血乃生旺。非棕灰等止血藥可治也。如產已滿月外。又宜升舉大補湯治之。凡年老精弱人。患崩。均宜服此。